

Dah Iq Gag Nam Gag Naeuz

小河的自述

□ Cinz Hungzmeiz / 覃红梅

Gou dwg diuz dah ndaw mbanj mbouj okmingz ndeu. Miz haujlai gofaex hung sang geuj youq henz ndang gou, gizhaenx hoengheiq sing-sien, gou moix ngoenz cungj siengj sing sang ciengq go, daeuj yienh'ok gij angqyangz ndawsim gou.

Gou ciengx miz haujlai bya lwg gungq iq, gyoengqde cungj dwg lwg gou, moix ngoenz gyoengqde cungj angqvauvau geuj youq ndaw ndang gou guhcaemz. Gou vuenyungz buet diuq, caemhcaiq dawz gij vuenyungz gou guenq haeuj nazreih, hawj gyoengq gomiuaz caez ndaej roxnyinh gij vuenyungz gou, gyoengqde maj ndaej gig hungcoek, caeuq gou caez vuenyungz. Henz ndang gou lij maj miz haujlai gova go'nywj mbouj okmingz. Duj va iq gak saek gak yiengh cang dawz mbawheu mwncup, ndei yawj raixcaix. Gyoengq va iq sanq ok gij heiq hom, gou moix ngoenz cungj nyouq ndaej daengz. Gwnz naj gou fouz miz gij va gak saek caeuq mbaw heu, raq rumz iq he ci gvaqdaej, gou roenx hwnj langh fubfab, couh lumj fuk veh gyaundeidei ndeu.

Moix ngoenz gyanghaet, gyoengq mehmbwk mbouj aeu doxiu couh daej daengz gou gizneix saeg buhvaq. Gyoengqde doq saeg doq ganggoj, lij saek seiz cienz daej sing riu, gij sing riu angqvauvau gyoengqde cienz bae dieg gyaeg'gyanggyang. Gou hix deng sing riu angqvauvau gyoengqde maezyinx lo, dinghdungh dinghdungh ciengq go angqyangz lae bae gizgyae. Lij miz gyoengq duzbit youz bae youz dauq, cungj mbouj lau vunz saekdi, mizseiz angq doxgyaep, mizseiz ndaem roengz raemx bae dajcaemx, ndonj hwnj raemx seiz youh bek fwed hemq-bagbag, mizseiz diuq hwnj gwnz rin bae yietnaiq, mizseiz youh youz bae henz din gou ra bya iq, ra duzsae gwn..... Gyoengqde hawj gou roxnyinh gij ndwenngoenz nauhyied caemhcaiq miz yinxdaez.

Seizcin, fwnmoenq daj gwnz

mbwn yaengyaeng doek roengzdaej, sojmiz doenghyiengh ndiu gvaqdaej lo, daengx aen mbanj daj ndaw fangzhwnz ndiu lo. Gou youh hainduj rwed reihnaz moq lo. Gomiuz maj ndaej ngoenz beij ngoenz maengh-mwdmwd, ngoenz beij ngoenz heu-swdsd, daengx aen doenghnaz lumj aen haij saekloeg. Gou yawjraen gijneix, ndawsim angqyangz lumj ndaej gwn diengzrwi nei.

Seizhah, gou daengx ndang liengzswdsd. Baez daengz banhaemh, gyoengq bouxlaux couh daiq lwnyez daej youzraemx, lwnyez gaenq rox youzraemx haenx couh youq ndaw raemx doxgonh, mwngz aeu raemx baeuh gou, gou aeu raemx baeuh mwngz, sing riu sing heuh cungj mbouj daengx gvaq! Gyoengqde guhcaemz mbwq le, couh doxbeij ndaem-raemx, mwngz yawj gyoengqde daj ndaw raemx ndonj okdaej seiz, cungj haenqrengz cuengqheiq, ciepdwk yungh song fwngz uet deuz raemxndik henz lwgda, caiq yungh song fwngz uet deuz gij raemx gwnz naj, doeklaeng ngauzngauz gyaed, ngauz deuz gij raemx gwnz gyaed, dwggyaez lailai! Boux lwnyez caengz rox youzraemx haenx henz ndang miz bouxlaux fwngz rex son baenzlawz youzraemx, bouxlaux son ndaej haeujsim, lwnyez hix hag ndaej haeujsim, seiz mbouj seiz cienz ok sing riuha. Mbwn fuemx lo, gyoengqvunz maranz lo. Seizneix, cijmiz duz daekgauej duzbid youq henz ndang gou eu fwen hawj gou dingq, buenx gou haeuj-ninz.

Seizcou daengz lo, goraeu henz ndang gou mbawheu bienq nding caez lo, daj gizgyae yawj, mbawraeu hoengzfwdfwd lumj faj feiz nei. Raq rumz ci daej, mbawraeu hoengzfwdfwd daj gwnz goraeu doek haeuj gwnz ndang gou daej, geij duz moed iq naengh youq gwnz mbawraeu, lumj dawz mbawraeu dang guh ruz iq naengh bae damqiemj. Daj baihdoeng muengh bae, gohaeux ndaw naz

henjgywggwyg, riu ndaej hwet cungj gungj roengzdaej lo. Yawj bae gizgyae, daengx aen doenghnaz lumj aen haij saekgim. Gyoengq bouxguhnaz ndaej demsou lo. Moix bi daengz seizneix, gou cei q sim'angq lo, aenvih gou moix ngoenz roengzrengz hawj doenghnaz rwed raemx, daengz seizneix cij ndaej raen gij hoizbauq.

Seizdoeng daej lo, mbwn nit lo, gou gizneix mbouj caiq nauhyied lo, cijmiz duzsae, duzbya iq daej youq gou gizneix youzraemx buenx gou.

Hoeng geij bi gonq, gij raemx seuqset gou bienq ndaej youh uq youh haeu lo. Aenvih ndaw mbanj boux-daeuz ra boux guh seng'eiq daej ndaw mbanj hai gunghcangj, lauxbanj dawz gij raemx uq cuengq haeuj ndaw ndang gou, gou bienq ndaej ndanghaw ndangnaiq. Banhaet gyoengq mehmbwk ndaw mbanj mbouj caiq daej gou gizneix saeg buhvaq lo, seizhah gyoengq lwnyez hix mbouj caiq daej gou gizneix youzraemx lo, gij angqyangz baez naengz gou mbouj miz lo, gou yousim ndaej daep dek saej goenq. Doeklaeng gyoengq vunz ndaw mbanj youh ndek nyapnyaj haeuj ndaw ndang gou, ciu daej haujlai nengznyaen, gyoengq nengznyaen doud youq gwnz nyapnyaj, gwn ndaej bizbwdbwd, gwn gaeuq lo youh

dauqcawq luenh mbin. Gyoengqvunz byaij gvaq henz ndang gou nyouq ndaej gij heiq haeufoedfoed cungj goemq ndaeng hwnjdaej, caengz byaij ndaej geij yamq couh nyaenx mbouj ndaej rueg okdaej, rueg ndaej linx yaek doek bae. Gou yawjraen gijneix, gig nanzsouh ha! Gou bienq ndaej gyoengqvunz cungj mbouj gyaed mbouj maij lo!

Daj bi' gvaq daej, gou youh bienq ndaej angqyangz hwnjdaej lo, aenvih ndang gou bienq seuq lo. Daengx mbanj vunz dingq dangj lingidauj haucau, hwng guh gij hozdung hawj lajmbanj cinghseuq, bouxgeq bouxcoz cungj gangj veiswng lo, mbouj caiq luenh vut luenh ndek nyapnyaj hawj ndaw ndang gou lo. Ndaw mbanj guh dieg cang nyapnyaj, sojmiz nyapnyaj cungj cuengq youq gizhaenx, lij goq vunz daej dajleix nyapnyaj. Gyoengq mehmbwk ndaw mbanj youh daej gou gizneix saeg buhvaq lo. Seizhah, gyoengq lwnyez youh daej gou gizneix youzraemx lo. Gou moix ngoenz youh bienq ndaej cinghseuq caemhcaiq gyaundeidei lo, geijlai vuenyungz ha!

Gou caen maqmuengh gyoengqvunz itcig goqhoh gou, hawj gou moix ngoenz cungj ndaej angqyangz lae bae gizgyae, itcig lae.....



Bya heu bya loeg ndawde miz boux youq.

Vangz Yinz ingj

• Sawcuenhraez Lwnyez •

Gij Golwngnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

yiengj song sing.

“Meh!” De simvueng hemq dax-meh, daxmeh ninz youq henz rug.

“Sing maz?” Daxmeh de gaenq lumhlaep daej daengz ndaw rug de lo.

“Dwg sing dwkcungq!”

“Cungq?” Daxmeh de deng haep ndaej gij heuj doxdoj yiengjgekgek.

“Geizheih! Seizneix dwg seiz-lawz?”

“Yaek daengz byonghhwnz luba?”

“Baenzneix gyawj, lumj couh youq henz——”

“Dwg mbouj dwg ranz Cinz Dayenz?”

“W, lumj dwg baihaenx.”

“Seizneix dajsou mbouj ndei, mboengqgonq couh dingqnyi naeuz miz——”

“Caeggeq?”

“W.” Daxmeh de iet fwngz saenzdwdwd bae rag de, “Lungz Byauh, buenx gou bae yawj binqdou cap ndei caengz.” (caengz sat)

Aen mbei ndaek vunz neix lij mbouj beij mehmbwk hung, gingq-yienz ndaej coux Siu Cuh guh yah, caen dwg duj va moq deng cab youq dong haex vaiz ndeu, aen goenh ngaenz deng vut haeuj ndaw gumz-boengz haeu, nyoeqnyamx va moq caeuq goenh ngaenz lo.....

Daiheibseiq Aulungzgeiz Ganggoj (Daihaet)

“Bung! Bung——”

Couh youq Lungz Byauh moengzloengz yaek ndiu seiz, sawq-mwh deng sing goksadsad linj gvaqdaej, de doq daj gwnz congz diuq hwnjdaej, song ga ngamq dwk gwnz-namh, fwt ndaejnyi rog dou youh